

Amazwi ni viholanyo: Willem de Vink

UYeesu uMeesiya


UMUNTU WE AKUYANDULA INSI




ISHI KWE KUUTI...



IBiibiliya: Mu Biibiliya ungavhaazyva vwe uMulungu akuvheenya avhantu na vwe akuvhomba ku zyavho.



IPasaaka: shikulukuulu isha kuzyuha ukwa Yeesu. Hali, ahavhaliilizyo hanaaho, aVhaisilayeeli vhahakumbuhaga kupokwa kwavho kufuma ku Miisili. Ishikulukuulu isho, shoope vhahashiitaga vhahatinji iPasaaka.



Ishihovhenkanyo: shiliilo isha mayimba she shávhombelilwe kumuhomeela uYeesu ku lukasamo lwakwe wuuyo. Havhili shiholesyo ku vhalandati vhonti avha Yeesu.



Kugaluha ukwa Yeesu: UYeesu lwe agaluha mu nsi, uMulungu aligalulanya imwanya ni nsi. Ivintu vwonti viliivha vipwa.



Kuswilwa: UMulungu akuvhaswila avhantu uvhutalamalandu, pooka nu kuuti naawumo we ahondeeye. UMulungu akukuswila inga nalyoli iwe ukutonta uvhutalamalandu nu kwanza kwanduha. UMulungu akutuswila, mwe pe uYeesu ápelilwe isunde lyitu lye tuhanzilwaga kusundwa.



Kuzyuha: UYeesu ázyusile. Isiku limo avhantu vhonti vhalizyuha. Pe uMulungu alivhalonga avhantu vhonti.

Uhavhizya: wu hoome wa Mulungu we atakuloleha.

Ulwitiho: Kumwitiha uMulungu ku liila lye áfinzile kulivhomba.

UMeesiya: wu Mwene we apasiilwe amafuta. Meesiya (lizwi

ilya Shihebuuli) mu Shiyunaani litantuliiwe kuuti Chilisiti.

UMupepo uMufinjile: UMupepo uwa Mulungu, we akwanza kulandila muhati izya vhe vhakumulandata uYeesu.

Umutumwa: mulandati uwa Yeesu.

UMwana wa Mulungu: lizina ilya Yeesu. Wu Mulungu we áyinzile mu nsi inza Mwana wa Mulungu.

USeetano: mulugu uwa Mulungu na vhantu vhaakwe we atakuloleha. Lumo akwitwa kuuti uMuvhiivhi.

Uvhulanzi uvhwa shiima: kwe kulandila nu Yeesu inza vwe uMulungu akwanza. Ukuvhupoota uvhufwe, havhili kutali uvhusililishilo.

Uvhuliilani: Avhalandati avha Yeesu vhakukumbuha uvhufwe vhwakwe nu kuzyuha, kwi idala ilya ikaati ni divaayi.

Uvhuloote: vintu vwonti ivwinza vwe uMulungu akwanza kuuvhapa avhantu vhe vhakuvhomba zye akwanza.

Uvhumwene uvhwa Mulungu: Uvhumwene uvhwa Mulungu vhukuvha paala pe avhantu vhakumushindiha.

Uvhutalamalandu: zye zila zye tukuvhomba, ileelo zitakuvalilana nu lukasamo ulwa Mulungu. Zikutudinda kulufishila uluvhaatiho ulwa Mulungu lwe ali nalwo kuli iswe.

Yeesu: lizina lya Mwana wa Mulungu, kwe kuuti, 'UMulungu akupoha.'



AHAVHALIILIZYO AHA YEESU

Ahavhaliilizyo hiitu hakwanda lwe uYeesu akupaapwa. Avhantu vhahashuulaga ulwa pansi, poosye ni ndogomi, poosye ni ngamila, poosye ni mfwalaasi. Ivigavho ivipiti ivwa Vhulaaya ni Vhutukulo iya Pahati ni Aafilika Kulutala, vwámile mu silikaali iya Shilumi. Avhantu avhinji vhatámanyile kusimba nu kuvhaazya, ileelo aVhayuuda mu Isilayeeli vhámanyile. Vhahavhiitaga vhahatinji ‘avhantu avha Ikalaata.’

UMulungu akuyanga mwi ikalaata ilya Biibiliya kuuti, uweene Mupezi uwa vintu vwonti, havhili akwanza kuvha mumanyani uwa vhantu vhonti. UYeesu álolesiizye ilyo apazelu nkaani.

UYEESU UMEESIYA WU NAANU?


UYeesu álandiiye amaha 2,000 ishi, ge gahatuuhu mu nsi iya Isilayeeli. Tukumwita kuuti, ‘uYeesu uMeesiya’ poosye kuuti, ‘uYeesu Chilisiti.’ Kwe kuuti uMwene. Te kuuti wu Mwene vhwelele, uYeesu vhahamwitaga vhahatinji, ‘uMwana wa Mulungu’ havhili vhahatinji, ‘uMwana wa Aadamu.’ Kwe kuuti uweene wu Mulungu, havhili muntu. Ipangwi ilya vhulanzi uvhwa Yeesu likupangwa mu Biibiliya. Lipangwi ipiti ahavhaliilizyo honti.





IISILAYEELI AHAVHALIILIZYO AHA YEESU

Inkaaya impiti: IYelusaleemu.



Ivigavho iwwa nsi: IGalilaaya ni Samaliya ni Yudeeya.

Uvhupiti: Ikilomiita izya mulaba 28,000 ishi.


Ahavugulile aha nkungu: shigavho shooka pa vivhili isha tuloopiki.

Uvhulongozi: Kufuma umwaha uwa 63 lwe uChilisiti ashiili kupaapwa, aVhaluumi vhahavhakonzyaga aVhaisilayeeli.

Isilikaali: Umupiti uwa Shiluumi uPontiyo uPilaato, ahayikonzyaga iIsilayeeli. UTibeeliyo uKayisaali uwa Shiluumi ahamukonzyaga uPontiyo uPilaato.

Ishipuuto: UVhuyuuda: AVhayuuda vháamile ni Nyumba iMfinjile ku Yelusaleemu. Avhapuuti vhahavhombaga imbombo zyonti izya shipuuto. Kwámile avhasambilizi inza aVhafalisaayi vhe vhahavhasambilizyaga avhantu insambiilizyo izya Biibiliya.


Injango: IShihebuuli yáamile njango ya Vhayuuda. IShiyunaani yáamile njango ya nsi zyonti. IShilatiini yáamile njango ya Vhaluumi.



Shooni she avhantu vhonti ivha vhakuvhungaana pi ijenje?



Muyisenganyaaje,
uvhumwene uhwa
Mulungu vhupalamiye.





Avhantu vhonti vhakumwita umulumbiilizi uyo pi
ijenje kwi izina ilya Yoohani uMwozyi...

Ine ntahondeeye.
Nkumusenganizania
idala lyakwe we kwe
ayinze kutumanyisya
kuuti uMulungu wu
naanu. Uweene we kwe
avhoozye kwa Mupepo
uMufinjile na ku mwoto
wa Mulungu. Ivwo vwe
kwe vivhandule imwe.



Havhili pisinda...




Ine
nkwanzilwa
inoozelwe
niwe!


Iwe vhomba
vhweleele. Ipo pe
kwe tuvhe
twalunjisya
ulukasamo lwa
Mulungu.

Havhili izwi
likwivviha kufuma
kumwanya kuuti...

Nalyoli, iwe we
Mwana waane.
Nkukunzite,
ukumpa
uluseshelo.



Taata, uvhumwene
vhwaho vhwinze, na
lye ukasiime
livhombeshe.




UYoohani uMwozyi akuvhasengaanya aVhaisilayeeli kuzya kwinza uMeesiya. Ahavhaliilizyo iha, iSilayeeli shigavho ishinsi mu shigavho ishipiti isha vhumwene uvhwa Shiluumi.




AVhayuuda mu nsi iya Isilayeeli vhakuyiivwa kuvha vhazyu nu kuvhonetwa. Avhantu vhakusuuvhila ku mwoyo, ahavhaliilizyo haala he uMeesiya aliyinza. UMeesiya uyo, we Muposhi we kwinza kwakwe kusimviilwe mu vhusimbe uvhwa Vhayuuda. Uweene we kwe alolesye uvhugolosu uvhwa Mulungu.

Pi ijenje uYoolodaani, uYoohani uMwozyi akumusonta uYeesu ni nyovhe.

Yeenya, uyo we wu Hagonzi aha Mulungu we akwefwa uvhutalamalandu uvhwa nsi.



Akutendama ukwo insiku 40 uvhusiku nu musanya. Lwe ali ukwo, atakulya naashimo. Kwí idala ilya kulaavha nu kuyiima kulya, akuyimanya imbombo yaakwe.



UYeesu akwanzilwa avhombe uluvhaatiho ulwa Mulungu. UMulungu akwanza avhantu vhasatulwe kufuma mwi ilyoga lyavho ilya isunde nu vhufwe.

UYeesu akulingwa nu Seetano, umwene uwa shiisi we atakuloleha we akuyikonzya insi ku vhufwe nu vhuhiivhí.



Taata,
kwe
imbombe
lyonti liila
lye
ukwanza.

Ileelo uSeetano, akuumupa uYeesu insiivho izya vhupuvi, inga ayileshe imbombo ya Mulungu.

Inga nalyoli iwe we Mwana wa Mulungu, gandule amavhwe iga gavhe makaati.

Ndaali! Yisimviilwe mu Vhusimbe uVhufinjile kuuti, "Umuntu atangalandila kwe kulya ikaati lyeka, nkandi akwanza amazwi ge uMulungu akuyanga."

Inga nalyoli iwe we Mwana wa Mulungu, twivwe homeshezya! Domooha kufuma pamwanya pa Nyumba iMfinjile. Vhuli, yitasimviilwe kuuti avhahavhizya vhalikutona?

Inga wansugamilila nu kumpuuta, kwe nkupe amaha gonti aga mu nsi.


Lwe izyo zyatuuhha, uSeetano akumuleha uYeesu ahavhaliilizyo iho. Avhahavhizya vhakwinza kumwavwa.

Ndaali, yisimviilwe havhili kuuti, "Utamulingaje uMulungu."


Yeepa ipa Seetano. Yisimviilwe kuuti, "UMulungu weeka we tukwanzilwa kumpuuta nu kumuvhombela."

UYeesu akugaluha ku shigavho isha nsi isha Galilaaya ku mwavho, she ayizuuye uMupepo uMufinjile. Lwe akushuula, avhantu avhinji vhakumulandata. Vhakusiivha nu kuyivhuziilizya inga uYeesu angavha wu Meesiya we avhakuvhwi vhasimvile izyakwe.

Uwinga wukuvhombeha mu nkaaya iya Kaana
ye yili mu tugamba utwa Galilaaya...



UYeesu woope ali pa winga
ubo, pooka nu nyina na
vhamanyani vhaakwe.



Ileelo pahati pa winga...

Idivaayi
yaasila!

Muvhombaje
lyonti lye uYeesu
akuvhavhuuya.

Mwizuzye insonta impiti izyo
aminzi, mutape nu kumutwalila
uMupiti uwa Mulyo, inga alinje.

Twivwe linga!
Iwe uvhiisile
idivaayi inyinza
kufishila ku
vhusililishilo.

Hee!

Iga te minzi havhili.
Ino divaayi inyinza!

Iyo yáamile
mbombo iya
Yeesu uwa ku
Naazaleeti.

Ishi ileelo
uweene wu
naanu?

Ntavhwenyi naalumo uwinka inza uvhu. Ntavhwenyi naalumo aminzi
gakwandulwa kuvha divaayi! Havhili idivaayi inyinza nkaani!

IKapelanawuumu nkaaya ye yikukula iya vhavuvhi avha nswi mu luvhazu mwa sumbi uwa Galilaaya. Ipo pe uYeesu akutaliha kuyanga apazelu izya vhumwene uvhwa Mulungu.



Havhili ipo pe akuvhasaavhula avhasundikwa vhaakwe avhatanzi.



Mwene, tuvhomvile vhusiku vhwonti, ileelo tutalemile naayimo.

Ileelo mwe pe weewe wayanga...




Peeteli, tutwale ivhooti kufiha pe pivhiye, pe muteje inyeelo zyinyu.



Zikusukumizya!
Ntakumanya!







UYeesu akuzivuula intala zyonti izya Galilaaya pooka na vhasundikwa vhaakwe. Akuvhasambiiliza avhantu vhonti izya vhumwene uvhwa Mulungu. Akuponia amavhinu gonti nu kuzishimbizya impepo inkandamanu. Avhantu vhakusukumila nu kumulandata. Vhamo vakufuma mu vigavho ivinji na mu Yelusaleemu, inkaaya impiti iya Isilayeeli. Vhakutejeelezya ahinza zyonti zye akuyanga.




Vhalosiitwe vhe vhalli ni nzala, mwe pe vhaliyikuta.




Vhalosiitwe vhe vhaswimiilizu, mwe pe vhalisuvhalizilwa.



Mulosiitwe imwe lwe avhantu vhakuviitilwa ku zyane. Museshelaje nu kudovhela, mwe pe ishipeelwa shiinyu ku mwanya shipiti.





Isiku limo lwe avhantu impuga vhayivhusite inyumba ye uYeesu áali muumwo mu nkaaya iya Kapelanawuumu...

Tutanginjila inga
hansi umwo!

Kuli ishooni
kumwanya
ukwo?

Vhaleshi! Vhamanyani ivho
vhalii nu Iwitiho ulupiti.

Yikwanzilwa
tumwinjizye uweene ni
izagala lyakwe
kutuushila pa shisonje
isha nyumba.

Waswilwa uvhutalamalandu
vhwaho!

Mwivwa? Angayanga
isho inza vhuli?

Lili kwoshi lye lipupuusu,
kumuvhuuya umuntu we
ahataliiye kuuti, "Waswilwa
uvhutalamalandu vhwaho,"
pamo kuuti, "Yimiliila ujendaje"?



Ine ne Chilisiti ndi na maha aga
kuswila uvhutalamalandu.
Ileelo havhili nkukuvhuuya
kuuti, nyatuula izagala lyaho
ujendaje!

Akumusaamula
uMulungu.



UMulungu weeka we
akuswila uvhutalamalandu.




Ileelo te vhonti vhe vhakuseshela imbombo inyinza izya Yeesu. Avhalongozi avha shipuuto vhakupenza inga uYeesu akuzilandata indajizyo izya Sabaato. Mu nsi iya Isilayeeli avhantu vhatakwtishilwa kuvhomba imbombo yonti yiila isiku inza ili.



Uvhwinji uvhwa vhantu lwe vhukuvula, uYeesu akwepa na vhasundikwa vhaakwe mwi ivhooti mwa sumbi uwa Galilaaya.







We Mwene
twavve!
Twaakudwivha.






Shooni she
mukwogopa?
Ulwitiho Iwinyu
luli kwoshi?










Kuli umuntu uwa mpepo inkandamanu
we akulandila mu magamba...




Shooni she
ukutwinjiilila
iwe Mwana
wa Mulungu
uwa maha
gonti?


We mpepo
inkandamanu!
Fuma mwa
muntu uyo!







Nkuvhavhuuya kuuti, uMwana atangavhomba naalimo weeka. Akuvhomba lye liila lye uTaata akwanza. Ntakwanza kuvhomba zye nkasiime, nkandi ulukasamo ulwa Taata. Uweene we ansonteziizye.




Ivha vhanamuntu, uPeeteli nu Andeleeya...

Avhanamuntu vhavhili, uYaakobu nu Yoohani...

Ufiilipo nu Nasaniyeeli...


UToomasi nu Mataayi we ku vhwandilo áali musonchezya musonko mu silikaali iya Shiluumi.



UTadaayo nu Yaakobu uwunji.



USiimoni (umulwila insi yaakwe) nu Yuuda we akufuma ku Kalyoti...



Sogooli, umuntu wonti we akuvhaposheela imwe, akumposheela neene. Wooke we akumposheela ine, akumuposheela we ansonteziizye.



Avhatumwa ivho 12
vhakuvhwela nu luseshelo
ulupiti kuzya mbombo yaavho
iya vhutumwa. Lwe izyo
zyatuuha, uYeesu akwanza
kusogola navho kukwilu, ileelo
impuga iya vhantu yitakwanza
kuvhaleha.

Iviyavho vwinji, ileelo avhahavuna vhansi. Ishi, mumulaavhe uMwene
umuhaata viyavho kuuti avhaleete
avhahavuna avhinji, vhinze kuvuna
iviyavho.



UYeesu akujendeelala kulumbiilila nu kuponia. Ishi, uvhusiku vhwaakwila...

We Fiilipo, avhantu vhonti ivha kwe vhashaaje ishaakulya vhuli vhuli? Vhapi mweneemwe ishaakulya vhalye.

Poosye amalipilo aga meezi 8 ge tuli nago, gatangaakala ishaakulya isha kuvhakwila avhantu ivha.


Pali umwana ipa we ali na makaati gasaano nu tuswi tuvhili. Kutali ishinji ishamwavho naashimo.

Vhavhuuze avhantu vhatendame mu mpuga izya vhantu amashumi gasaano gasaano.

UYeesu akumusalifwa uMulungu...

Akugavhanya amakaati ni nswi...


Avhantu amashumi na mashumi
vhakupeelwa ishaakulya, lwe
uYeesu akushivuzya shenesho.



Tukwanzilwa
tumuteme
uvhumwene!



Nalyoli uno wu
Meesiya we
akusuuvhilwa kwinza.




Yeenyi, kuli
ivitundu 12
ivwa vwalila.

Ahavhaliilizyo haafiha, avhantu ivha
vhavhwelaje mu nkaaya zyavho. Niimwe
munyatule ivhooti lyinyu mulambe kwisyila.
Ine nkusyala pi igamba ipa kulaavha.





Avhantu vhamo vhakwanza
vhamuteme uYeesu
uvhumwene. Vhakusuuvhila
kuuti kwe avhugwisye
uvhumwene uvhwa Vhalumi.
Vhoope avhalugu avha Yeesu
vhakujendeelela kuvula nu
kumukwinkwina. Vhakwanza
kuvhasonzya avhantu inga
vhamuvhuushile nu kumugoga.



Ine ne ne likaati lye likuleeta
uvhulanzi uvhwa shiima.
Muvhili waane we we
wukuleeta uvhulanzi ku
vhantu vhonti mu nsi.




Uvhulugu kwa Yeesu
vhukujendeelela kukula.
Akusaama mu shigavho
isha nsi isha Galilaaya nu
kujendeelezya imbombo
yaakwe mu ntala izinji
izya Isilayeeli pooka ni
mpuga iya vhalandati
vhaakwe avhanaavuli na
vhantanda.

IGALILAAYA

iYelusaleemu
IISILAYEELI

Pisinda akwepa kusogola
ku Yelusaleemu.



Avhantu vhakusiivha
kuuti ine ne naanu?

Vhakuti iwe we
mukuvhwii.

Mukuti ine
ne naanu?


Lwe vhali mwi idala...

Iwe we Meesiya, uMwana
wa Mulungu umulanzi.

Mutahamuvhuuzye umuntu naawumo.


UMeesiya akwanzilwa kusogola ku
Yelusaleemu, ukwo kwe ayimvilwe nu
kufwa. Ileelo isiku ilya vhutatu alizuya.

Kunzi ku nkaaya iya Yelusaleemu vhahavhagogaga avhantu ulwinji. Vhahavhahomeelaga pa shihovhenkanyo. Isunde ilyo ilya vhufwe lye lyámile lihali nkaani mu vhumwene uvhwa Shiluumi.




Umuntu wonti we akwanza kundandata ine akwanzilwa ayihaane wuuyo weeka, ayikungulaje kundandata insiku zyonti poosye nu kufwa.

Umuntu wonti we akwanza kuvhupoha uvhulanzi vhwakwe, alivhuteezya. Ileelo we akuvuteezya uvhulanzi vhwakwe ku zyane, alivhupoha.



Ukwanzilwa umanye kuuti kuli uMulungu wooka vhweelele.

Ipiti nkaani ukwanzilwa kumukunda uMulungu waaho ku mwoyo waaho wonti, nu kuvhakunda avhanji inza vwe ukuyikunda weneewe.




Ahavhaliiizyo iha kuli intala izya vhe vhali na mambombo mu Isilayeeli. Amambombo vhuvhinu vhwe vhukwogofwa. Vhe vhambushiziliilwe uvhuvhinu uvhuvhinu uvhu vhatakwitishilwa kusangaana na vhantu vhe vhatali navhwo.





Avha mambombo
vhakuhoolela ponti pe
vhakusogola, kuvhasoha
avhantu kuuti vhakwinza.

Avha mambombo!
Avha mambombo!



Mwene Yeesu!
Utufwile uvhwila.





Avhalongozi avha Vhayuuda
ku Yelusaleemu,
vhakuvhasonteelezya
avhantu kwa Yeesu, inga
vhapenzaje zye akuvhomba
lwe ali mu vhulendo. Avheene
vhakuzihaana imbombo
zyakwe inyinza.


UYesu akulilana na vhantu avhavhiivhi inza avhavhembu na
vhasonchezya musonko vhe vhakuvhavhombela aVhaluumi...



UYeesu akuponia avhavhinu
isiku ilya Sabato lye naawumo
atakwitishilwa kuvhomba
imbombo...


Pona!

Vhoope avhaana
avhakunzite nkaani...



Vhakumwita uYeesu ku Besaniya, ulutala lwe luli papiipi ni nkaaya iya Yelusaleemu. Ukwo uLaazalo muvhinu. ULaaZalo pooka na vhanine vhaakwe uMaalita nu Maliiya vhamanyani vha Yeesu.

UYeesu lwe akufiha mu Besaniya, naluvhiilo akwivwa kuuti uLaazalo aasyiliilwe insiku zine zye zyatuuhu.



We Mwene, uvhanje ipa, uwamwitu nkandi atafuuye.


Umukulu waaho kwe azyushe Maalita.


Eena, imanyile. Alizyuha ahavhaliiizyo aha kuzyuha, isiku ilya kumpeleela.

Ine ne nkuzyusya, havhili ne nkupa uvhulanzi. Umuntu we akuniitiha ine, alilandila. Ukwitiha izyo Maalita?


Eena Mwene, nkwihiha kuuti iwe we we Meesiya, uMwana wa Mulungu, we ukwinza mu nsi.

Mumusyiliye kwoshi?
Mwene, nzaaga uyeenye.





Avhalongozi avha mu Yeelusalemu vhakuvha na maganigani
inkaani kuzya Yeesu na vhalandati vhaakwe.



Umuntu uyo akuvhomba
amafindango aminji nkaani!

Inga tukuzileha inongwa izi zijendeelele,
aVhaluumi te vhatuleshe.




Musivhiilile ahinza! Kwashi
kuuti umuntu wooka afwe
kuzya vabantu avha nsi ino,
kuluusya kuuti avhantu
vhonti vhalovhe.

Kwe vhayimongole iNyumba
iMfinjile nu kuyilovwa insi yiit.



Kufuma ahavhaliilizyo iho,
avhalongozi avha Vhayuuda
vhahanda kulondola idala ilya
kumuvhiiha uYeesu mu
nyoovhe izya Vhaluumi, mwe
pe avheene vheeka vháali na
maha aga kufumwa isunde ilya
kugoga.

Ilyo lye likupelela kuuti
uYeesu akwanzilwa afwe.

Ahavhaliilizyo hanaaho, kuli ishikulukuulu ku Besaniya...



Ishikulukuulu isha Pasaaka shipalamiye. Avhantu impuga vhakushuula kusogola ku Yelusaleemu. Vhakutwala impuutile ku Nyumba iMfinjile...



Avhantu vhakumuposheela
ku ludovhelo ulupiti...

Alosiitwe we
akwinza kwi izina
ilya MWENE!

We Yelusaleemu, inga
waamanyile vve
ungaposheela uvhutehamu.
Ileelo utakwanza.


Mwandaje!

Mwandaje!

Tuhonze vhuli
ishi, inga inongwa
zingavha
vhwevhulo?

Avhantu insi
zyonti
vhakumulandata.

INyumba iMfinjile ye yili mu nkaaya impiti, ye shisinko sha shipuuto.



Ahavhalilizyo aha shikulukuulu isha Pasaaka utugonzi tukuvhoolwa.



Vhakufumwaga utugonzi mu Nyumba iMfinjile, kuvha mpuutile iya kuvhakundanya avhantu nu Mulungu.



Ileelo mpuutile vhuli iya hagonzi ye ndinga yingavheefwezya avhantu uvhutalamalandu vhwavho?






Pa luhungaano ulwa Nyumba iMfinjile avhantu vhakuyitantaanya ni vwa kukazya nu kutaanania impiiya.




Vhakwitusila uYeesu ali pooka navho panaapo...





INyumba ya Mulungu,
yikwanzilwa kuvha ya
kupuutila, ileelo imwe
muyivhiisile kuvha
lishembo lya vhiivha!






Tukwanzilwa tulyaje idala ilya kumutega. Ipo pe kwe tumugoje.

Ileelo hatahaavhe havhaliilizyo ha shikulukuulu. Tutakwanza ivho livhe ahavhaliilizyo aha shikulukuulu isha Pasaaka.

Kwe mundipe zilinga inga namuvhiiha uYeesu mu nyooovhe zyinyu?

Uyo we wu Yuuda, we wooka mu vhasundikwa vhaakwe.




Kwe imuvhiishe uYeesu mu nyooovhe zyinyu.




Inga wamuvhiiha uYeesu mu nyooovhe zyitu, kwe tuukupe insavhaazya 30, insavho iyo yikukwila kumukala umuzya.



UYeesu lwe iPasaaka yishiili
kufiha, akuzivhombela insiku
zyakwe kuvhalumbiilila
avhantu mu Nyumba
iMfinjile, pooka nu kuuti
avhalongozi vhakujendeelela
kumuvhiishila impinsya.



Ahavhaliilizyo aha hamazuuvha uYeesu na
vhasundikwa vhaakwe 12 vhakuhmaana mu
nkaaya inga vhalye umulyo uwa Pasaaka.







Nanyonywa nkaani kulya
umulyo uno uwa Pasaaka
pooka niimwe, she nshiili
kuyimvilwa.

Avhamwene vhakuvhakonzya
avhantu ku maha, ileelo imwe
mutavhombaje vhwevhulo.

Umuvhomvi uwa vhonti we
kwe avhe mulongozi wiinyu.



Ine indi pooka niimwe
fwe ne muvhomvi.

We Mwene, unganoozya ivinama fwe we muzya? Ndaali, te uhanoozye naalumo!

Mwene, pe unoozye ni nyooovhe ni itwe vhweleele.

We ageezile umuvhili wonti, akwanzilwa kugeeza mwe mu vinama.


Inga intakwozya ivinama vwaho Peeteli, te uvhe nu vhuliilani niine.

Imwe mukuniita mukuti Mwene, havhili mukuti Musambiiizi, mukuyanga zya nalyoli, mwe pe vwe ndi. Inza vwe navhoozya ivinama, vwe niimwe mukwanzilwa muvhombelajje.

Wooka muli imwe kwe ananiile.




Ndaali! Izyo zitangavha!

Vhuli, te neene?



Yuuda, lye ukwanza kulivhomba, vhomba naluvhiilo!





Pisinda hamazuvha, uYeesu na vhasundikwa vhaakwe vhakufuma mu nkaaya. UYuuda atali pooka navho.



Ine naakuvhaleha, ileelo uTaata kwe avhatumile uMupepo uMufinjile. Uyo kwe avhavwaje, havhili kwe avhanje niimwe shiima.



Imwe mulimanyile idala ilya kwe nkusogola.



Ine ne lidala, ne wanalyoli havhili ne vhulanzi. Ataliipo umuntu we anginza kwa Taata, ishisita kutuushila kuli ine.



Tendaami ipa. Ine nasogola pilogongolela hansi kulaavha.



We Taata, inga vve zingavha, uneefwezye amayimba iga.



Ileelo yitahaavhe inza vve nkwanza ine, nkandi inza vve ukwanza iwe.


Mungakaata inza vhuli ahavhaliilizyo ahagomu iha? Vhuushi! Yeenyi, ula we akunaniila aafiha.



Muhamulemajie ula we namwofwa.


Mwakaata Musambiilizi!

Mwene, tulwe navho?



We Yuuda, nalyoli ukumwaniila uMeesiya kwi idala ilya kumwofwa?

UYeesu akuvhitishila kuuti vhamuleme. Avhasundikwa vhaakwe vhakushimbilanga shaaha.



UYeesu akutwalwa kwa mpuuti umupiti, we mupiti uwa vhalongozi vhonti avha Vhayuuda. UPeeteli nu Yoohani vhakumuladata apatali.



UPeeteli akwinjila pa lupiteri ulwa mpuuti umupiti.



Vhuli, iwe utaamile nawo?



Ndaali! Ntamumanyile umuntu uyo.



Iwe we wooka muli ivho, vhuli?




Indi nu wanalyoli wonti, niiwe waalipo paala!
Niiwe we Mugalilaaya!

We, ntakumanya zye ukuyanga.






UYeesu akutwalwa kwa mupiti uwa Vhaluumi, uPilaato. Avhalongozi avha Vhayuuda vhakuvhasonzya avhantu. Vhakuzuma ahalanga nu kumulonjeelela uYeesu amalandu aga mavhiila mu mavhiila.




Iwe ukuti vhuli ku zyonti izi zye vhakukulonjeelela? Vhuli, utakwamula naalimo?



Vhuli,
uvhomvile
ishooni?


Ine ninzile
kuhomeshezya
uvhwanalyoli.



Uvhwanalyoli
she shooni?



Ntakuvhulola uvhunanzi
naavhumo kwa muntu uno. Ishi
shikulukuulu isha Pasaaka.
Imusatule unaanu, uBalaaba,
pamo uMwene uwa Vhayuuda?






Ahavhalilizyo hanaaho, uYuuda umwoyo wukumuvhavha ku zye avhomvile.

Mwaniliye umuntu we atali nu vhananzi.


Izyo zitakutwawwa naashimo. Pa zyaho weneewe.

Mbomvile uvhutalamalandu.



UYeesu akuhomeelwa pahati iya vhananzi vhavhili.


We Taata uvhaswile.
Vhatamanyile zye vhakuvhombba.



Amazwi gasimviilwe mu njango zitatu nu kugavhiha pamwanya pa shihovhenkanyo. Gatili, "UYeesu wu Mwene uwa Vhayuuda."

UYeesu akuhaana kumwela idivaayi ye vhasangiinye nu mulembo uwa kusheefwezya uvhuvhaavi.


Avhasikaali vhakugahomela ulutambu amenda gaakwe.



Yiposhe weneewe, utuposhe niiswe!

Wee! Utakumwogopa uMulungu. Iswe tukupeelwa zye zituhondeeye, ileelo umuntu uno atavhomvile ivhiivhi naalimo.

We Yeesu, uhankumbuhaje lwe ukwinjila mu vhumwene vhwaho!



Ahavhaliiizyo aha
vhushenzelo, izuvha lihaleha
kulama. Ivintu vwonti vihavha
mu shiisi.

UMaliiya, unyina uwa Yeesu nu
musundikwa waakwe uYoohani,
vhakwimiilila papiipi ni
shihovhenkanyo.

Ishi mwavha mwe vhantu
vhe wu nyina nu mwana.

We Mulungu waane,
shooni she wandeha?

Ishinyooto...
shanduma!

We Taata, nkuyivhiiha
mu nyooovhe zyaho.

Imbombo yaane
yaasila.

UYeesu akufwa saala 9 umusanya.
Umusikaali wumo akumulasa uYeesu pa
luvhazu, gakufuma amavhanda na minzi.



UVhusimbe uVhufinjile
vhukuti, "Vhámulongoziizye
ngati hagonzi he hakusogola
kuvhoolwa."

Vhámulasile nu kumuuhoma
kuzya vhutalamalandu
vhwitu. Ileelo ishi aafwa.

Vhuli, uyo we wu Meesiya
we ásuvhiliilwe kwinza,
pamo haa?




Tusogole tulaavhe
vhatwitishile
kumusyla.

UYoosefu uwa ku Alimataayi nu Nikodeemu vhakunyatula
ishaala isha Yeesu. Vhakushizinga mu mwenda pooka na
mafuta ge gakununshila, nu kushivhiiha mu mbiipa.
Vhakuvhiiha ivhwe ipiti pa mulyango uwa mbiipa.



Lwe ahavhaliilizyo aha lutuuzyo
ulwa Pasaaka hatuuha,
avhantanda vhamo vhe vhali nu
vhuswimiilizu, vhakusogola ku
mbiipa yiila...




Shooni she mukumulondola we
mulanzi mu vhafwe? Azyusile!

Sogooli muvhavhuuzye
avhasundikwa vhaakwe.




Vhaligalagasiizye ivhwe
ukutali ni mbiipa!





Lwe vhiivwa izyo, uPeeteli
nu Yoohani vhakushimbila
kusogola ku mbiipa.



Zyoni
zyafumila?




Imbiipa yili
vhweleele!



Isiku ilyo, avhalandati vhavhili avha Yeesu, she amooyo gaavho gavunzisile, vhakuyanga nu muntu we akuyituushila mwi idala. Vhakupanga nawo uvhufwe uvhwa Yeesu.

Vhuli, imwe fwandi mutakwitiha ziila zyonti zye zyáyanziilwe na vhakuvhwi? Vhuli, uMeesiya atakwanzilwa kuyimvilwa? Izyo zyonti zisimviilwe mu Vhusimbe uVhufinjile.



Vhakwitushila, ahavhaliilizyo aha shaakulya, umujeni waavho akuteega...

Ahavhaliilizyo hanaaho vhakwepa, vhakusogola kuvhalondola avhalandati avhanji avha Yeesu.

Vhoope avha Maliiya nu Peeteli vhamuvhwenyi!



Vhakwitushila...

Muvhe nu vhutehamu.



Vhuli, imwe mutakwitiha kuuti ine neene? Yeenyi inyoovhe zyane ni vinama vwane.



We Mwene waane, we Mulungu waane!

UYeesu akuvhaloleshela avhalandati vhaakwe ku nsiku 40. Havhili akuvhaloleshela avhantu 500 vhe vhali pooka. Isiku limo, avhasundikwa vhamo vhakuvuvha inswi mwa sumbi uwa Galilaaya...

Mwe vhajaaha, muli ni shaakulya shimo ipa?

Haa.
Tutalemile naayimo!



Teji inyeelo zyinyu uluvhazu ulwamwavho ulwa ivhooti!




Vheevhe! Twalema ku vhwini!




Uno wu Mwene!



We Musambilizi!




Nzaaji mulye pooka niine!



Peeteli, vhuli,
nalyoli iwe
unkunzite?

UYeesu akumuvhuziilizya
uPeeteli ivhuziilizyo inza
liniilyo lutatu.



Eena Mwene, iwe
umanyile kuuti
nkukunzite.

Udiimaje
ing'onzi zyane.




UMulungu ampiiye amaha gonti ku
mwanya na pa nsi. Sogooli mu nsi
zyonti muvhapele avhantu kuvha
vhalandati vhaane. Muvhozyaje kwi
izina ilya Taata ni ilya Mwana ni ilya
Mupepo uMufinjile nu
kuvhasambiilizya kuzilema indajizyo
zyonti zye mbalajiziizye.



Lwe uYeesu ayanga
amazwi igo,
akunyatulwa kuzuvha
ku mwanya. Ileelo
akuti, aligaluha
kuvhalonga avhantu
vhonti...

Lwe uYeesu asogola,
avhalandati vhaakwe
vhakugaluha ku Yelusaleemu
kupuuta. UMupepo uMufinjile,
akuvhiihila muhati yaavho.
UMupepo uyo we áamile
muhati iya Yeesu, ishi
akulandila muhati yaavho.
Akuvhapela kuvha vhapwa nu
kufumwa uvhwahoome kuzya
Yeesu.

Uvhufwe vhutáali
na maha kwa
Yeesu. UMulungu
ámugalusiziizye
uvhulanzi
vhwakwe.
UMulungu
ámuvhiisile kuvha
wu Mwene wa
vhamwene.



Avhalandati avha Yeesu vhakusogola mu nsi zyonti,
pooka nu kuuti kwáliipo kudindanjiza ukupiti.

UYeesu
Mwana wa
Mulungu!





Izwi iLyinza ilyo
vhahalikumusyaga
na kwi idala ilya
vhakalaata.

Ntakulilolela insoni
Izwi iLyinza ilyo.
Ilyenelyo, maha ga
Mulungu ge
gakuvhapoha avhantu.
Yisimviilwe mu
Vhusimbe uVhufinjile
kuuti, "Inga ukulyitiha,
ukuvhaazilwa kuuti we
mugolosu pilongolela
ilya Mulungu. Havhili
ulilandila."



Ishi avhalandati avha Yeesu mu nsi
zyonti, vhkuhomaana nu kupuuta
pooka nu kuvhaazya iBiibiliya.
Vhakulandila mu vhwila vhwa Mulungu
nu kuvhulola mu vhulanzi vhwavho.
Vhakukundana nu kulelesya ishikunzi
kwi idala ilya kuvhaavva vhe
vhasovheliilwe. Havhili vhakuvhakunda
na vhalugu vhaavho. Vhakumensulana
ikaati nu kueelana ulupindi ulwa
divaayi. Ilyo likuvhakumbusya kuuti
uvhutalamalandu vhwavho
vhuswililiilwe. Havhili likuvhakumbusya
kuuti vhasoheleeye uvhulanzi
uvhupwa na maha nu Mupepo
uMufinjile.

UYeesu akuuvhapa avhantu
amaha aga kulandila pooka
ku vhutehamu.



UYeesu akukunzite!
Umusalifwaje nu
kumupuuta.

UMulungu avhakunzite nkaani
avhantu mu nsi, ye nongwa
amufumwizye uMwana waakwe
imozi. Wonti we akumwitih
ahateeje, nkandi akuvha nu
vhulanzi uvhwa shiima.



IBIIBILIYA

Ipangwi ilya Yeesu lisimviilwe mu Biibiliya. Litalipo ikalaata ilinji lye avhantu vhakulivhaazy ulwinji, poosye lye vhakulivhaazy ishi kuluusya iBiibiliya. Likalaata lye lyizuuye amakalaata. Gásizile amaaha 1,500 kumala kusimba amakalaata iga gonti. IBiibiliya yásizile kusimbwa yonti amaaha 1,900 ge gahatuuha. Yili na mapangwi aga mavhiila mu mavhiila aga vwe uMulungu áyilolesiizye mu vhulanzi uvhwa vhantu. Ipangwi ilya Yeesu likulolesya nkaani kuuti uMulungu wu naanu.


UVHULANZI UVHWA YEESU

IBiibiliya yili na makalaata gane ge gakupanga izya vhulanzi uvhwa Yeesu. Amakalaata igo gakutakwa kulandatana na mazina aga vhasimvi. Avhasimvi vhonti vhálandiiye ahavhalilizyo aha Yeesu.

UMataayi - mulandati uwa Yeesu. Ahavhombaga imbombo iya kusonchezya umusonko. Akupanga vwe uYeesu ávhomvile ku Vhaisilayeeli (aVhayuuda).

UMaaliko - áamile mujaaha lwe uYeesu akuvhomba imbombo. Ásimvile hansi vhwelele izya mafindango ge uYeesu ávhomvile.

ULuuka - áamile muganga. Uweene fwe wuuyo atámumanyile uYeesu. ULuuka akupanga vwe uYeesu ahapwungaga na vhantu.




UYoohani - woope áamile mulandati wa Yeesu. Uweene akulolesya kuuti uYeesu wu naanu. UYeesu wu Mulungu we áyinzile avha muntu, inga avhaviishe avhantu kuvha vhasatushe kufuma mu vhutalamalandu.

KUPAAPWA UKWA YEESU

UMaliiya, unyina wa Yeesu,
ápezile ashiili kunyatulwa lwe
uYeesu akupaapwa. UMaliiya
ápezile mulindu we atamumanyile
umwanaavuli. Uluvhaatiho ulwa
Mulungu lwáli lwa kuuti uYeesu
apaapwe. Amafindango igo
vhákumusiizye mu makalaata aga
hali, lwe ahavhaliilizyo aha Yeesu
hashiili kufiha. UYeesu atápafwilwe
ngati muntu we mupooti, poosye
we mumwamu. Ápafwilwe mwi ivhiji
ilya ng'ombe, mwe pe kutáamile
uvhuzilo mu nyumba.

AMAFINDANGO AGA YEESU

UYeesu ávhomvile amafindango
aminji. IBibiliya yikuti
ávhaponiizye avhantu mala 40.
Kwi idala ilya mafindango, uYeesu
álolesiizye amaha aga Mulungu ni
shikunzi shaakwe. Álolesiizye kuuti
uMulungu akwanza kuvhaavwa
avhantu, nu kuuti vhavhanje nu
luseshelo.



UVHUFWE UVHWA YEESU NU KUZYUHA KWAKWE



Shooni she uYeesu áfuuye? IBiibiliya yifumwizye uvhulondovhozi.

Ahavhaliilizyo hamo swenti tukuvhomba uvhunanzi. Uvhunanzi uvhwo vhutakumuuhondezya uMulungu, nkandi vhukumuvhiiha kuuti avhe nu mulaha nu kuswimiililwa. Uvhunanzi uvhwo vhwe vhakuti uvhutalamalandu. Uvhutalamalandu vhwonti vhukuvhadinda avhantu kuvha vhamanyani vha Mulungu.

Ye nongwa ye uYeesu áyinzile. Kuyifumwa kwakwe, ahanyatula isunde ilya vhutalamalandu vhwitu. Isunde ilyo vhwáli vhufwe. Kufuma pe uYeesu áfuuye ku zyitu, tukuvha twe vhamanyani vha Mulungu havhili. Ileelo tukwanzilwa kulaavha kuuti atufwile uvhwila ku vhutalamalandu vhwe tuvhomvile.

UYeesu ahazyuha. UMulungu ahamuvhiiha kuvha mulanzi havhili. Kuli ilyo, uMulungu ahatulolesya kuuti uweene ali na maha kuluusya uvhufwe. Ishi, uYeesu akulandila nu Mulungu. Mwe pe akulandila, ahavhaliilizyo honti akuvha mumanyani wiit. Akwanza kutwavwa kulandila kwi idala lye likumuuhondezya uMulungu.

IMPUUTO

Inga ukuswimiililwa kuzya vhutalamalandu vhwe uvhomvile, havhili inga ukwanza kuvha we mumanyani wa Mulungu, uhondeeye kulaavha impuuto inza izi:

“Mulungu uwa shikunzi, unkunzite.

Wámusonteleziizye uYeesu, uMwana waaho imozi.

Áfuuye pa shihovhenkanyo ku vhutalamalandu vhwane vhwonti vhwe nkavhomba.

Nkulaavha umfwile uvhwila ku vhutalamalandu vhwe nkavhomba. Nalamba nkaani umfwile uvhwila.

Wasalipa, mwe pe uYeesu ali uluvhazu lwane.

Ahavhaliilizyo honti nkwanza imbe ne waaho.

Nkulaavha unaavwe indandilaje inza vwe ukwanza weneewe.

Uvhanje papiipi niine ahavhaliilizyo honti.

Wasalipa kunaamula impuuto zyane.

Iwe ukuvhomba zyonti zye ukufinga.”


UYEESU NIIWE

Uvhusililishililo uvhwa ipangwi
ilya Yeesu vhuli apazelu. UYeesu
áamile mumanyani wa vhantu
avhinji nkaani, kufishila niishi.
Insi yandusile. Avhantu avhinji
vhatakushuula ni ndogomi poosye
imfwalaasi, nkandi na magaali ni
ndege. Ileelo izyo zitakuvhiiha
uvhusugaano kwa Yeesu. Angavha
pooka niiswe inza vwe ahajendaga
mu Isilayeeli. Atakuloleha, ileelo
aliipo.
Akwanza kuvha mumanyani
waaho ileelo. Mutejeelezye havhili
umukunde uweene.

Vhuli, ukwanza kumanya nkaani
izya Yeesu nu vhulanzi vhwakwe?
Vhomba zye zikulandata:
**1. Uyande kuvhaazyä iBiibiliya
weneewe.**
(Unganda kuvhaazyä ikalaata lye
lisimviilwe nu Luuka).

2. Uyande kulaavha.
(Uyangaje nu Mulungu, nu
kumutejeelezya uweene - Te
kuuti yikwanzilwa amazwi gamo
amamwamu.)

**3. Uyangaje na vhantu avhanji
izya Yeesu ni Biibiliya.** UYeesu
akwanza avhalandati vhaakwe
kuhomaana pooka nu kugomwanya
amooyo, nu kusambilizanya
izyakwe.



Text and illustrations: Willem de Vink.

Copyright © 1993 Stichting Wereldtaal, Houten, The Netherlands.

Published in Dutch as "Jezus Messias".

Edition in Nyiha (Tanzania) © 2021

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail: jmpbk.app@gmail.com

website: <https://jesusmessiahcomicmedia.com/tanzania>

UYEESU UMEESIYA Ili lipangwi ilya nalyoli ilya Yeesu uMeesiya.
Álandiiye mu Isilayeeli amaaha 2,000 ge gahatuuhha. Avhantu vhonti
vhe vhahahomaanaga nawo vhahasukumilaga. Ataliipo we ávhomvile
ishintu she uweene ávhomvile. Ataliipo we áyanzile ishintu she uweene
áyanzile. Amafindango gahavhombehaga paala pe uYeesu aliipo.
Áleesite uluseshelo ulupiti ku vhonti vhe ahalandilaga navho na vhe
vhahamutejelezyaga. Pisinda zihapeleela. Avhalugu vhaakwe vhínzile
vhamugoga. Ileelo uvhwo vhutáali vhusililishilo vhwakwe. Vhaazya
weneewe, ueenye vwe zyáfumiye, havhili ueenye vwe ipangwi ilya
Yeesu uMeesiya lyájendeleeye.



Injango: iShinyiha
Language: Nyiha (Tanzania)
ISBN: 978-94-93178-44-1